

## Referat frå møte i UUI

Tid: måndag 11. juni, kl 13.15-15:00

Sted: rom 435, HF-bygget

**Til stades:** Hilde G. Corneliussen (undervisningsleder), Gunnstein Akselberg, Sigrun Eilertsen, Knut Ove Arntzen, Erling Aadland, Helge Dyvik, Rolf Beev (kom under o-sak 5), Fredrik Longva, Arnt Robert Leganger.

**Meldt forfall:** Christine Hamm, Pär Sandin, Bente Kiilerich, Thea C. Lurfald, Svanhild Berge.

## Saksliste

### UUI-sak 22/12: Godkjenning av innkalling og saksliste.

Godkjend. For ettertida blir referata publiserte på nettsida til instituttet etter at merknadsfristen er gått ut. Referata vil bli lagde fram for UUI som orienteringssaker til påfølgjande møte.

### UUI-sak 23/12: Orienteringssaker

1. Innføring av plagiatsjekk i ePhorus. UUI meinte at både emneansvarleg og eksamenskonsulent bør gå gjennom rapportane frå ePhorus våren 2012, då det er viktig at også fagmiljøa får kjennskap til korleis ePhorus fungerer og gjer seg erfaring med bruken av rapportane.
2. Oppretting av programstyre ved LLE. Det er oppretta programstyre på nordisk og kunsthistorie i vår. Instituttleiar vil ta tak i arbeidet med å opprette programstyre på dei resterande faga i august.
3. Behandling av programstyrereferat. Programstyrereferat blir frå hausten av lagt ut på ei nettside tilknytta LLE, på same måte som sakspapir frå UUI.
4. Samarbeid med Karrieresenteret om yrkesrettleiing. LLE samarbeider med Karrieresenteret om å lage seminar/workshops om yrkesmoglegheiter tilpassa faga og programma ved LLE. Planen er å kjøyre ein pilot hausten 2012 og deretter få dette til å bli eit fast årleg tilbod ved LLE. Instituttet vil gjerne samarbeide med fagutvala om planleggjing og gjennomføring av slike kurs/workshops.
5. Tildeling til prosjekt gjennom Samarbeidsprogrammet med Russland.
6. Redaksjonelle endringer i studie- og emneplanar: informasjon om ordbok på alle emne med skoleeksamen på gresk og latin, informasjon om krav til språkføring på emna i norsk som andrespråk, tekstlig justering av emneplanen på NORMAU651, tekstlig justering på NODI302.
7. Undervisningsleiar informerte om at representantar som ikkje kan møte til UUI, bør sende ein annen representant frå fagmiljøet dersom det er mogleg.

### Vedtaksaker:

**UUI-sak 24/12: Studie- og emneplanendringar NOLISP300 og NOSP200- og 300-nivå**

**Vedtak:**

UUI vedtar programstyret sine endringar i emnetilbodet på 200- og 300-nivået i nordisk språk og litteratur. Endringane i emne- og studieplanar blir gjort gjeldande frå hausten 2013. Emnekodane bør harmoniserast før innsending til fakultetet, slik at dei signaliserer kva emnekodar som har felles undervisning.

**UUI-sak 25/12: Endringar i obligatoriske aktivitetar på fjernstudiet i norsk som andrespråk**

I saksomtalen er omgrepet «mappeoppgåve» fortsatt med under omtalen av vurderingsforma i emnet. «Mappeoppgåve» er elles erstatta av «retteleidd oppgåve» i emneomtalanen.

Fakultetet sin frist for innsending av emneplanendringar for hausten 2012 var eigentleg 15. februar, men då det her er snakk om fjernstudieemne bed instituttet likevel om å få innføre endringane til tross for at me er seine med å sende inn saka. Fjernstudieemna blir lyst ut enkeltvis og for kvart semester og fakultetet er normalt lempelegare med fristane for desse emna då det har liten konsekvens for studentar i eit studieløp om ein gjer endringar på kortare varsel. Endringane på desse to emna er også meir ei tilpassing av emneplanen og ikkje eigentleg reell endring av praksis på emnet.

**Vedtak:**

UUI vedtar endringane i obligatoriske aktivitetar for NORAN101-F og NORAN104-F. Instituttet bed fakultetet om at endringane kan trå i kraft frå hausten 2012. Dei andre endringane på NORAN-emna som er handsame i programstyre blir sendt inn som redaksjonelle endringar til fakultetet og vi såleis også gjelda frå hausten 2012.

**Diskusjonssaker:****UUI-sak 26/12: Oppfølging av evaluering ved LLE**

Undervisningsleiar innleidde i saka med å referere til evalueringsseminaret og ta opp att dei viktigaste momenta som kom fram der. Det var mange fagkoordinatorar som ikkje var til stades på evalueringsseminaret og undervisningsleiinga har derfor laga eit fyldig referat frå seminaret og ønskjer å arbeide vidare med å få betre rutinar for evaluering ved instituttet.

Diskusjonen i møtet 11.6. hadde blant anna fokus på korleis vi kan få engasjert både emneansvarlege og studentar i evalueringsarbeidet, skape større engasjement kring arbeidet, opne for at studentane i større grad kan sjå at fagmiljøa nyttar den tilbakemeldinga studentane gir i planleggjinga av sine undervisningstilbod.

I diskusjonen i møtet kom det fram at det er ønskeleg å unngå samanfall mellom Fagkritisk dag og vinterferieveka, då det er tyngre for fagutvala å få til godt oppmøte frå studentar og tilsette i denne veka.

Undervisningsleiar vil følgje opp evalueringssaka igjen i UUI til hausten og i den samanhengen sjå på om det bør utarbeidast eit årshjul for evalueringa ved LLE.

Ved semesterstart hausten 2012 bør det informerast på orienteringsmøta om kva for emne som skal evaluerast, og gjerne også korleis evalueringa vil finne stad.

#### **UUI-sak 27/12: Retningsliner for godkjenning og bruk av eksterne sensorar.**

UUI diskuterte retningslinene for godkjenning av eksterne sensorar. Det blei peikt på at å krevje at ekstern sensor ikkje kan ha hatt undervisningsoppgåver for LLE på minst to år kan vere for strengt.

Undervisningsleiinga vil samle punkta i LLEs og IF retningsliner i eitt dokument, som både omtalar når det er krav om å bruke ekstern sensor og dessutan kva kompetansekrav som gjeld for å kunne godkjenne og oppnemne ein ekstern sensor.

#### **UUI-sak 28/12: Møtedatoar hausten 2012**

10. september (frist for innsending av studieplansaker: 27.8.)

15. oktober

26. november

Arntzen varslet sak om 100-nivået i teatervitenskap møtet 10. september.

14. juni

Hilde G. Corneliusen  
*undervisningsleiar*

Ranveig Lote  
*studieleiar*

Merknadsfrist: 22. juni. Det kom ingen merknader.